

U slučaju kašnjenja u izvođenju radova, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

## **NAČIN IZVOĐENJA RADOVA**

### **Član 4.**

Poslovi izvođenja građevinskih i drugih radova iz ovog Ugovora dijele se prema dogovorenoj dinamici izvođenja pojedinih faza radova na više terminski i cjenovno zaokruženih cjelina.

#### **Opis radova zadnje faze:**

Izjava Izvođača o završetku ugovorenih radova.

Završni izvještaj Nadzora da su radovi iz ovog Ugovora uredno završeni te da nema nedostataka koji bi spriječili redovnu upotrebu školske radionice u skladu s projektiranom namjenom.

#### **Primopredaja radova Naručiocu, sudjelovanje u izradi Primopredajnog zapisnika između Izvođača i Naručioca.**

Ukoliko su kod primopredaje uočeni bilo kakvi nedostaci izvođenja, ti se nedostaci moraju opisati i nabrojiti u primopredajnom zapisniku s upisom primjerenog roka za otklanjanje tih nedostataka.

Otklanjanje nedostataka iz primopredajnog zapisnika uvjet je za pristupanje izradi konačnog obračuna izvedenih radova.

## **PLAĆANJE I NAČIN PLAĆANJA**

### **Član 5.**

Ugovorne strane su saglasne da se plaćanje cijene radova po ovom Ugovoru izvrši na sljedeći način:

- naručilac se obavezuje da će u zakonskom roku od dana prijema fakture, izdati nalog za plaćanje Trezoru na iznos sa fakture, a u korist izvođača radova;
- sredstva utvrđena u članu 2. Stav. 1 ovog Ugovora isplatiti će se na transakcijski račun izvođača radova, te uz međusobnu saglasnost obje ugovorne strane.

## **PRIMOPREDAJA I KONAČNI OBRAČUN**

### **Član 6.**

Primopredaju izvedenih radova izvršit će ovlašteni predstavnici objiju ugovornih strana.

Prilikom primopredaje Naručilac i Izvođač dužni su sačiniti Primopredajni zapisnik u kojem će navesti sve prigovore na nedostatke gradnje i/ili ugrađenih materijala i/ili opreme.

Izvođač se obavezuje utvrđene nedostatke otkloniti u primjerenom, zajednički utvrđenom roku koji ne može biti duži od deset dana od dana završetka radova.